

TERMS OF REFERENCE (TOR)

Konsultant/ica za mentoring i obuku o strateškom razvoju legislative i zagovaranju preporuka u oblasti zaštite okoliša

Naziv projekta: LevelUp – Izgradnja organizacijskih i stručnih kapaciteta NODAS-a za unapređenje zaštite okoliša i upravljanja prirodnim resursima

Implementator: Udruženje za razvoj i afirmaciju društva u Bosni i Hercegovini NODAS

Lokacija: Sarajevo, Bosna i Hercegovina

Trajanje angažmana: Okvirno 3 dana u periodu od 1 mjeseca

Vrsta angažmana: Konsultantski ugovor (Ugovor o djelu/ekspertskim uslugama)

Način rada: Terenski

1. Uvod

Udruženje za razvoj i afirmaciju društva u BiH NODAS implementira projekat „**LevelUp – Izgradnja organizacijskih i stručnih kapaciteta NODAS-a za unapređenje zaštite okoliša i upravljanja prirodnim resursima**“, s ciljem jačanja institucionalnih, organizacijskih i programskih kapaciteta organizacije.

Zaštita okoliša i upravljanje prirodnim resursima predstavljaju jedno od ključnih razvojnih pitanja u Bosni i Hercegovini i regiji Zapadnog Balkana. Klimatske promjene, zagađenje zraka i voda, degradacija zemljišta i gubitak biodiverziteta imaju sve izraženiji uticaj na zdravlje stanovništva, kvalitet života i održivi ekonomski razvoj. Iako se Bosna i Hercegovina obavezala na usklađivanje s međunarodnim i evropskim standardima u oblasti zaštite okoliša, kapaciteti za njihovu efikasnu provedbu i dalje su ograničeni.

U tom kontekstu, organizacije civilnog društva imaju važnu ulogu kao most između građana, lokalnih zajednica i institucija, ali i kao stručni i zagovarački akteri koji mogu doprinijeti razvoju i implementaciji okolišnih politika. Posebno se izdvaja oblast očuvanja biodiverziteta, a naročito zaštita polinatora (oprašivača), koja povezuje klimatske promjene, održivu poljoprivredu i upravljanje prirodnim resursima, ali još uvijek nije sistemski i planski adekvatno podržana.

NODAS je u prethodnom periodu realizovao značajne projekte poput BeeAlive 2 i Urbanog šumarstva, doprinoseći jačanju lokalnih kapaciteta, ublažavanju klimatskih promjena i promociji održivog razvoja. Međutim, ova iskustva su u velikoj mjeri ostala projektno orijentisana i nisu sistematski pretočena u trajne organizacijske i stručne kapacitete, posebno u oblasti zaštite polinatora.

NODAS se dodatno suočava s izazovima u pogledu strateškog planiranja, organizacijskog razvoja i namicanja sredstava, što ograničava dugoročnu stabilnost i učinkovitost rada organizacije. Jačanjem organizacijskih i stručnih kapaciteta NODAS-a doprinosi se ne samo razvoju same organizacije, već i jačanju uloge civilnog društva u procesima donošenja odluka i unapređenju politika zaštite okoliša u Bosni i Hercegovini.

Interna analiza i samoprocjena NODAS-a ukazale su na potrebu za:

- unapređenjem znanja u oblastima okolišnog prava, klimatskih promjena, prirodnih rješenja i upravljanja resursima, sa fokusom na polinatore,
- jačanjem kapaciteta za zagovaranje (advocacy) i uticaj na javne politike kroz pripremu preporuka i policy dokumenata,
- jačanjem praktične primjene znanja kroz rad na zakonodavnim i planskim procesima,
- unapređenjem izrade stručnih i zagovaračkih dokumenata u oblasti zaštite okoliša,

U tom kontekstu, NODAS planira angažman vanjskog/e konsultanta/ice koji/a će pružiti stručnu podršku kroz mentoring i obuke u oblasti strateškog razvoja legislative i zagovaranja preporuka u oblasti zaštite okoliša.

2. Svrha angažmana

Cilj angažmana je pružiti stručnu podršku NODAS-u u sljedećim oblastima:

2.1. Jačanje znanja i vještina u oblasti zaštite okoliša i klimatskih promjena

Unapređenje znanja zaposlenika i saradnika NODAS-a u oblastima okolišnog prava, klimatskih promjena, rješenja zasnovanih na prirodi i upravljanja prirodnim resursima (šume, voda, tlo), uz poseban fokus na značaj polinatora za biodiverzitet i lokalni razvoj. okolišno pravo i procedure izrade, izmjena i dopuna javnih politika i propisa,

2.2. Razvoj kapaciteta za strateški pristup javnim politikama i zagovaranje

Jačanje kapaciteta tima za razvoj, pripremu i zagovaranje okolišnih politika i policy preporuka kroz strateški pristup, sa posebnim fokusom na integraciju pitanja polinatora u javne politike i razvojne procese.

2.3. Uspostavljanje interne baze znanja i sistematizacija materijala

Uspostavljanje strukturirane interne baze znanja kroz prikupljanje, obradu i sistematizaciju materijala sa obuka i mentoring sesija, u cilju dugoročne primjene u radu organizacije.

Kroz ovaj angažman, NODAS će unaprijediti interne kapacitete zaposlenika i saradnika za razumijevanje i primjenu okolišnih politika, te osnažiti tim za efikasniju pripremu, analizu i zagovaranje policy rješenja u oblasti zaštite okoliša, sa posebnim fokusom na polinatore i očuvanje biodiverziteta.

3. Ključne aktivnosti i zadaci konsultanta/ice

Aktivnost 1: Organizacija i provođenje obuka/radionica

- Organizacija i realizacija obuka/radionica iz oblasti okolišnog prava i procedura izmjena, dopuna i izrade novih prijedloga politika i propisa,
- Obuke iz klimatskih promjena i mjera prilagođavanja na lokalnom nivou,
- Obuke o rješenjima zasnovanim na prirodi (nature-based solutions),
- Obuke iz upravljanja prirodnim resursima (šume, voda, tlo),
- Poseban fokus na pitanja relevantna za polinatore (oprašivače) i njihov značaj za biodiverzitet, otpornost ekosistema i lokalne razvojne politike,
- Prilagođavanje sadržaja obuka potrebama učesnika i praktičnim primjerima iz lokalnog konteksta.

Rezultat: Povećan nivo znanja učesnika u oblastima klimatskih promjena, rješenja zasnovanih na prirodi i upravljanja prirodnim resursima, sa posebnim fokusom na polinatore.

Aktivnost 2: Organizacija mentoringa i obuke o strateškom pristupu razvoju politika

- Organizacija mentoring sesija o strateškom pristupu razvoju legislative i javnih politika u oblasti zaštite okoliša,
- Obuka za pripremu preporuka, policy prijedloga i zagovaračkih (advocacy) dokumenata,
- Praktični rad – obuka–praktikum usmjerena na primjenu stečenih znanja na stvarnim zakonodavnim, planskim i konsultativnim dokumentima,
- Poseban fokus na razvoj i zagovaranje preporuka relevantnih za polinatore i njihovu integraciju u politike zaštite okoliša i razvoja.

Rezultat: Najmanje 70% učesnika osposobljeno za praktičnu primjenu stečenih znanja na trenutnim projektima i/ili pripremi policy dokumenata i preporuka.

Aktivnost 3: Izrada interne baze znanja i mentorska podrška

- Izrada i sistematizacija priručnika, smjernica i predložaka za rad u oblastima obuka i policy razvoja,
- Dokumentovanje i dostavljanje materijala sa radionica i mentoring sesija (uključujući prezentacije i radne materijale),
- Kreiranje interne baze znanja koja će se koristiti u svakodnevnom radu organizacije,
- Izrada kratkog izvještaja sa preporukama za unapređenje daljnjih aktivnosti i policy

pristupa u oblasti zaštite okoliša i polinatora.

Rezultat: Kreirana interna baza znanja s priručnicima, predlošcima i materijalima, koja se aktivno koristi u svakodnevnom radu organizacije.

4. Očekivani rezultati (Deliverables)

- Povećan nivo znanja učesnika u oblastima klimatskih promjena, rješenja zasnovanih na prirodi i upravljanja prirodnim resursima, sa fokusom na polinatore (min. 40% prosječan rast znanja),
- Kreirana interna baza znanja s priručnicima, predlošcima, prezentacijama i materijalima sa radionica i mentoringa,
- Najmanje 70% učesnika osposobljeno za praktičnu primjenu znanja u projektima i pripremi policy dokumenata,
- Izrađen najmanje 1 stručni dokument / set preporuka / policy prijedlog u oblasti zaštite okoliša, sa fokusom na mjere i rješenja relevantna za polinatore,

5. Trajanje i dinamika

Ukupno trajanje angažmana: Ukupno trajanje angažmana je okvirno 3 radna dana, u periodu od maksimalno 1 mjeseca od potpisivanja ugovora.

Kandidati u okviru svoje prijave mogu predložiti drugačiju dinamiku i ukupan broj radnih dana, uz jasno obrazloženje i metodologiju rada, u skladu sa ciljevima i planiranim aktivnostima definisanim ovim TOR-om.

6. Potrebne kvalifikacije

Kandidat/kinja treba ispunjavati sljedeće minimalne uslove:

- VSS iz relevantnih oblasti (okolišne i tehničke nauke, društvene nauke, pravo, javne politike ili srodne oblasti),
- Najmanje 5–7 godina iskustva u oblasti zaštite okoliša, okolišnih politika i/ili upravljanja prirodnim resursima,
- Iskustvo u razvoju, analizi ili zagovaranju javnih politika (policy dokumenti, preporuke, strategije),
- Iskustvo u radu sa organizacijama civilnog društva i/ili javnim institucijama,
- Iskustvo u provođenju obuka, mentoringa ili stručnih radionica,
- Izražene analitičke, komunikacijske i facilitatorske vještine,
- Odlično poznavanje BHS jezika (engleski je prednost),
- Razumijevanje klimatskih promjena, biodiverziteta i upravljanja prirodnim resursima je prednost.

7. Način odabira

Odabir će se izvršiti putem konkurentskog postupka, na osnovu:

- relevantnog iskustva i stručnosti,
- kvaliteta predložene metodologije,
- finansijske ponude (najbolji odnos cijene i kvaliteta).

8. Način prijave

Zainteresovani kandidati dostavljaju sljedeću dokumentaciju putem e-maila:

- CV ili profil organizacije,
- Motivacijsko pismo
- Prijedlog metodologije rada i okvirni plan realizacije obuka i mentoringa
- Referentnu listu relevantnih angažmana
- Finansijsku ponudu (ukupan bruto iznos u KM, sa uključenim svim troškovima).

Prijave slati na: info@nodas.ba

9. Kontakt

Udruženje za razvoj i afirmaciju društva u BiH NODAS

Paromlinska 10, 71000 Sarajevo

Tel: +387 33 618 323

E-mail: nodas@nodas.ba